

Ny Baiboly ho an'ny ankizy
dia manolotra



Noa sy ny
safo-drano



Nosoratan'i: Edward Hughes

Sarin'i: Byron Unger; Lazarus
Alastair Paterson

Nampifanarahin'i: M. Maillot; Tammy S.

Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar

Novokarin'i: Bible for Children
www.M1914.org

©2020 Bible for Children, Inc.

Azo atao ny fandikana na fakana ity tantara ity
nefa tsy ho amin'ny fitadiavam-bola.



Noa dia lehilahy nankato sy
nivavaka tamin'Andriamanitra.
Tsy mba toy izany kosa ireo
olona hafa niara-belona taminy
izay naditra sy nankahala
an'Andriamanitra. Indray

andro, niteny tamin'i


Noa

Andriamanitra:

"Handringana izay
rehetra miaina eny

ambonin'ny tany

Aho ka ianao sy ny
ankohonanao ihany
no hovonjeko".



Nambaran'Andriamanitra tamin'i Noa fa hisy safo-drano handrakotra ny tany manontolo ka hoy Izy taminy: "Manamboara ianao sambo-fiara lehibe mahazaka ny ankohonanao sy biby marobe". Rehefa natoron'Andriamanitra azy izay fomba hanamboarana ilay sambo goavam-be dia nanomboka ny asa avy hatrany i Noa.





Nihomehy sy naneso
an'i Noa ny olona raha
nahita azy nanamboatra
ilay sambo lehibe
dia lehibe
saingy tsy

nahasakana
azy izany fa
notohizany hatrany ny
asany. Na dia nanambara
ny amin'Andriamanitra sy
ny safo-drano hanjo ny
tany aza i Noa dia tsy
nihaino azy ny olona.



Tsy mbola nisy ranonorana
nilatsaka mihitsy hatramin'izay
teto ambonin'ny tany nefa dia tena
nino sy natoky an'Andriamanitra
i Noa. Ho vonona tsy ho
ela ny sambo-fiara ka
hampidirina amin'izay
ny sakafon'ny
olona
sy ny
biby
hatao
vatsy.



Anjaran'ny biby indray izao ka
nampidirin'Andriamanitra tsiroaroa lahy
sy vavy avy ireo karazam-biby
samihafa.



Toy izany koa ireo voromanidina kely sy lehibe
ary ireo biby vaventy izay samy namonjy
niditra ny sambo-fiara avokoa.



Mbola nihomehy sy nihevitra an'i Noa ho adala ihany ny olona raha nahita azy nampiditra ireo biby marobe tao anaty sambo-fiara fa tsy mba nangataka ny hiara-hiditra tao. Vao mainka aza naniratsira an'Andriamanitra no nataony.






Rehefa
tafiditra
avokoa ireo
biby sy ireo
vorona dia hoy
Andriamanitra
tamin'i Noa: "midira
ianao sy ny ankohonanao ao
anaty sambo-fiara".





Dia niditra i
Noa, ny vadiny ary
ireo zanany telo lahy
miaraka amin'ny vadiny avy.
Ary dia nakaton'Andriamanitra
ny varavaran'ilay sambo-fiara.





Ary dia nisy
ranonorana nivatravatra
nilatsaka nandritra ny
efa-polo andro sy efa-polo
alina ka nanafotra ny tany
manontolo.





Safotry ny rano
avokoa ny
vohitra sy
ny tanàna rehetra.
Ka rehefa nitsahatra
ny ranonorana dia indro fa difotry
ny rano na dia ny tendrombohitra
faran'izay avo indrindra aza. Maty
avokoa izay rehetra niaina tambonin'ny tany.



Ny sambo-fiaran'i Noa sy izay tao anatin'ny no sisa nitsingevana tambonin'ilay ranobe. Maizina, nihovitrovitra sy nampatahotra be tao anatin'ny saingy io sambo-fiara io no namonjy sy niaro an'i Noa tamin'ny safo-drano.



Rehefa afaka dimy volana
dia nisy rivotra be nitsoka
nataon'Andriamanitra hanamaina
ny rano nanafotra ny tany.





Dia nihena miandalana ny rano
ka tafapetraka teo ambonin'ny
tendrombohitra iray atao hoe
Ararata ny sambo-fiaran'i Noa.
Saingy mbola nijanona efa-polo
andro tao
anaty sambo
ry zareo

mandra-
paharitran'ny
rano tanteraka.



Dia novohan'i Noa ny varavaran-kely iray tamin'ny sambo-fiara ka nandefa goaika iray izy, avy eo voromailala iray koa. Saingy niverina ireny satria tsy nahita izay hipetrahana fa mbola tsy maina ny tany.





Rehefa
afaka
herinandro, nalefany
indray ilay voromailala.
Niverina io ka nitondra
ravin'oliva teo am-bavany.
Dia nalefan'i Noa indray izy
herinandro taty aoriana ka
tsy niverina intsony.
Midika izany fa
efa maina ny
tany.



Dia nasain'Andriamanitra nivoaka ny sambo-fiara
amin'izay i Noa sy ny fianakaviany ka
navoakany koa ireo biby marobe
niaraka taminy
tao.



Ho fisaorana sy
ho fankasitrahana
an'Andriamanitra dia
nanangana alitara i Noa
ka nanao fanatitra ho

an'Andriamanitra.
Andriamanitra
tokoa mantsy no
namonjy an'i Noa
sy ny fianakaviany
tamin'ny
safo-drano.





Nanao
fanekena
tamin'i Noa
Andriamanitra fa
tsy mba handringana
ny tany amin'ny
safo-drano

intsony
mandrakizay
noho ny
fahotan'ny
olona.



Dia nametraka
ny AVANA teny
amin'ny lanitra
Andriamanitra
hamantarana sy
hahatsiarovana

izany
fanekena izany.



Nanorina fiainana
vaovao indray i
Noa sy ny fianakaviany
taorian'ny safo-drano.
Niparitaka nanerana ny
tany ny taranak'izy ireo
ka ny firenena
rehetra

eto ambonin'ny tany
dia avy amin'i Noa avokoa.



Noa sy ny safo-drano

Tantaran'ny Tenin'Andriamanitra, ny Baiboly,

Tao amin'ny bokin'ny

Genesisy 6 - 10

"Ny fanambaràn'ny teninao dia manazava."

Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

